



TRIBUNAL DE LA ROTA ROMANA, DECRETO, 13 DE MAYO DE 2008

Prot. N. 19.935 B. Bis 59/08
Coram R. P. D. IOANNE G. ALWAN, Ponente
ILLERDEN. IURIS PROPRIETATIS; Prael.: ADMISSIONIS LIBELLI
(Exc.mus Episcopus Illerden. - Dioecesis Barbastren.-Montisonen.)

Decretum turni

Die 13 maii 2008, infrascripti Patres Auditores de Turno, in aula Tribunalis legitime adunati ad decidendum “*Utrum libellus admittendus sit, in casu*”, hoc tulerunt decretum.

Facti Species

1. Libello die 14 sept. 2006 N.A.T. oblato, actor in causa, Exc.mus D.nus Franciscus Xaverius Ciuraneta Aymí, Episcopus Dioecesis Illerden. in Hispania, petiit, ad normam can. 1400, § 1, 1, agnosci et declarari *«jus plenum proprietatis et omnia jura pertinentia operum artis patrimonii artis Dioecesis Illerdensis, expressorum in appendice incluso in Annexo II, pro Dioecesi Illerdensi, in Hispania»* (Libellus, Sum,p.1), adversus partem conventam seu Dioecesim Barbastrensem-Montisonensem, in Hispania, et Paroecias unde opera artificiosa propter quae controversia vertitur procedunt.